

## Wien, Österreichische Nationalbibliothek (ÖNB), Cod. 1013

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

1073

P A T R I S T I C I

1074

(aeternitatis?) *speciosa conditio, cum Dilectione uestra fuisse felicem* (per Chr. D. N.) *qui uiuit et regnat una cum* (Patre et) *Spiritu sancto Deus per omnia secula seculorum amen.* Si plures *Petronii* Sermones in Codice reperissem, eandem illis navassem operam, quam repertis aliquot abhinc annis *Augustini* Sermonibus.

Inter ceteros porro Codicis Sermones plures perperam Autoribus, quos praeferunt, inscripti sunt. Sermo *Dom. in Palmas* plane duos praefert, *Maximum* et *Augustinum*; est vero *Maximi*, ut Edit. Rom. 1784. col. 137. f. Fer. V. in Coena Dom. et *Parasceve* Homiliis praemissae sunt *Lamentationes Jeremiae* superpositis accentibus musicis. Homilia *Sabbato Sancto* Autore caret, et incipit: *Uideamus fratres karissimi de dominico corpore* &c. Est igitur ejusdem *Maximi*, sed omisso toto principio, ut conferenti Edit. cit. col. 280. patebit. Non idem adfirmare possum de Homilia sequente, cujus titulus nullus, initium vero: *Domini Nostri Ihesu Christi Salvatoris honorabilem sollemnitatem diuina fauente clementia fratres karissimi fideliter ueneremur* &c. quando tamen habita fuerit, liquet e sequentibus: *Expergefasci itaque libenter de somno inertis surgamus, & noctem hanc sanctam pasche letanter ducamus* &c. post quae Autor de *Fermento malitiae* et *Azymis sinceritatis* commentatur. Terminat hunc Codicem peculiari discussione dignum Epistola *Hieronymi ad Paulinum*  
*Denis Codd. Theol. V. II. P. I.*

de omnibus f. *Scripturae Libris*, quae Bibliis passim praefigi solet: *Frater Ambrosius tua munuscula* &c. Posteriora haec manu Sec. XII. uti et pag. ult. Fragmentum *Litterae Apostolicae*, quod incipit: *Salzburgen. Audito et intellecto illo enormi facto, quod est aduersum te — attemptatum* &c. Factum non exprimitur, sed apostolica auctoritate cassatur, directis etiam ad *C. Maguntinum Archiepiscopum* literis. Quo ista pertinent, inter plura ejus aevi *Praesulum Salisburg.* cum Imperatoribus dissidia non facile dictu fit.

## CCCCXLVIII.

Codex membraneus lat. Sec. R. 3327  
 XIV. Folior. 153. f. min. luculente, non tamen una manu scriptus et rubricis distinctus est *Homiliarium* pro Jejunii verni tempore a Dominica in Septuagesima perductum ad diem Parasceves. Patres, quorum Sermones hic habentur, sequentes sunt: *Gregorius M. Augustinus, Ambrosius, Petronius Veron. Leo, Maximus, Johannes Chrysost. Hieronymus, Beda*, totaque Collectio *Ἀπογὰφον* est Codicis Sec. XI. supra recensiti, sed, ut fieri amat, erroribus calami auctis potius, quam imminutis. Praemissae sunt foliis 3. aliquae Lectiones e *Beda, Augustino, Origene, Ambrosio, Leone*, ut praeferunt, manu Sec. XV. depromptae, sed, ut in his, ita et in toto corpore non paucae a saniore Crisi deinceps rejectae. Ad calcem *Librarius*:

Yyy

Althi-

## Wien, Österreichische Nationalbibliothek (ÖNB), Cod. 1013

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

1075

CODICES

1076

*Albithonans eque, qui retribuis bona queque,  
Accepta digna facie cum matre benigna,  
Quem dat eberhardus codicem, tibi sit quasi nardus,  
Pro quo post luctum secli dona sibi fructum,  
Qui non marcescit senio, sed qui inde uirescit.  
Istud solamen michabel sibi conferat. Amen.*

*Eberhardum Lunaelacensem fuisse monachum, e Coenobii Patrono Michaelē liquet. Habes ibidem etiam: Anno Domini Millesimo Quadringentesimo destitutus est illustris dominus wenczeslaus Rex Bobemie a regno Romanorum per certos et approbatos articulos. Et Eleus est (nulla Friderici Brunsvic. mentione facta) Serenissimus princeps*

*ac dominus noster dominus Rudpertus olim comes Palatinus Reni Bavarie dux &c. In regem Romanorum et per dei nomen in Imperatorem promouendus In laudem et gloriam totius christianitatis.*

In anterioris Thecae involucro non inuenta restant in Sec. XII. lacinia Carmina, quae ignarus, quo pertineant, hic offero:

*Addit sobrietas uulnus letale iacenti,  
Conjiciens silicem rupis de parte molarem.  
Hunc uexillifere quoniam fors obtulit ictum  
Spicula nulla manu, sed belli insigne gerenti,  
Casus agit saxum, medii spiramen ut oris  
Frangeret, et recauo misceret labra palato.  
Dentibus introrsum resolutis lingua reseclam  
Dilaniata gulam frustis cum sanguinis implet,  
Insolitis dapibus crudefcit guttur et ossa  
Conliquefacta uorans reuomet, quas hause — — —*

Certamen Virtutum et Vitorum cani putem, quale Sec. XIV. sermone pedestri dedit in sua *Concordia Caritatis* a me Vol. I. P. 3. col. 2634. relata *Udalricus Abbas Campililiensis*, et versu leonino Anonymus, ut *ibid.* P. 1. col. 406.

CCCCXLIX.

enotatus, et olim *Domus Porte beate Marie virginis in Axpach prope Danubium Ord. carthusien.* complectitur: I. *Homiliarium* Quadregesimale a *Die Cinerum* usque ad *Coenam Domini*, in qua abrumpitur. Homiliae omnes *Beati Remigii Ep.* nomen praeferunt, ad unicum fol. 40. *Super Missus est Angelus Gabriel &c.* abrasum est, et merito; Homilia enim illa, cujus initium: *Latent quidem divina mysteria &c.* deprompta est ex *Ambrosio in Lucam L. II. c. 1.* Jam vero

R. 1984 Codex membraneus lat. Sec. XIV. Folior. 106. f. per duas columnas bene scriptus, rubricis